

Sit limpidum, colore e flavo fusco, sapore amaro et acido;  
ne sit odore vel sapore empyreumatico.

---

## Pasta Cacao cum Caragheen.

*Pasta Cacao cum Lichene Carragheno D. 50.*  
(*Pasta Seminum Theobromatum cum Sphaerococco N. 54*).

### *Chokolade med Karaghen.*

℞. Pastae Cacao saccharatae partes viginti quattuor, . . . 24  
Caragheen pulverati partem unam; . . . . . 1  
calore leni adhibito, misceantur et in tabulas formentur.

---

## Pasta Cacao cum Lichene islandico.

(*Pasta Seminum Theobromatum cum Cetraria N. 54*).

### *Chokolade med islandsk Mos.*

℞. Pastae Cacao saccharatae partes nonaginta, . . . . . 90  
Lichenis islandici pulverati partes novem, . . . . . 9  
Tuberis Saleb pulverati partem unam; . . . . . 1  
calore leni adhibito, misceantur et in tabulas formentur.

---

## Pasta Cacao saccharata.

### *Chokolade.*

℞. Seminis Cacao tosti, cortice denudati, in mortario  
paullum calefacto in massam subtilissimam redacti, . . . 1  
Sacchari albi pulverati, singulorum partem unam; . . . 1  
calore leni adhibito, misceantur et in tabulas formentur.

---

## Pasta Glycyrrhizae.

*Gelatina Liqvirritiae D. 50.*

*(Pasta Glycyrrhizae Sv. 45. Pasta Radicis Glycyrrhizarum N. 54).*

### *Brystim.*

R. Radicis Glycyrrhizae echinatae minutim concisae partes duas; .....	2
macerentur per decem vel duodecim horas cum	
Aqvae communis partibus quinqvaginta; .....	50
deinde in liqvore colato et filtrato solvantur	
Gummi arabici partes quindecim, .....	15
Sacchari albi partes novem .....	9.

Solutio coletur et loco frigidulo seponatur, ut turbantes partes subsidant. Liqvor limpidus decantatus, calore leni adhibito, sine agitatione evaporetur, donec particula exempta, in lamina metallica frigida refrigerata, statim rigescat. Jam cuticula in superficie orta removeatur et massa, in capsulas metallicas stanno obductas et Oleo Cacao illitas effusa, calore leni sicce- tur, donec fragilis sit. In frusta minora dissecta loco prorsus sicco servetur.

Sit e flavo fusca et diaphana; ne sit sapore empyreuma- tico vel rancido. Humorem ex aëre facile trahit, qvo facto, mollis et flexibilis fit.

## Phosphas natricus.

*(Sv. 45. Phosphas natricus crystallisatus N. 54).*

### *Phosphorsurt Natron.*

Crystalla coloris expertia, diaphana, aëre sicco fatiscencia, in Aqvae frigidae partibus undecim, bullientis partibus duabus solubilia; solutio sit reactione subalkalina neve, additis acidis, effervescat; solutio Acido nitrico acidulata, addita Solutione Chloreti barici aut Nitratis argentici, vix turbetur; solutio al- kalina vel acidulata, Solutione Sulphidi hydrici addita, ne mutetur. In vase probe clauso servetur.

## Phosphas natricus siccatus.

### *Torret phosphorsurt Natron.*

℞. Phosphatis natrici grosse pulverati..... q. v.;  
in vase operto loco calido ( $30^{\circ}$ — $36^{\circ}$ ) seponatur, ut fatiscat,  
donec circiter quartam ponderis partem amiserit. Pulvis plane  
siccus cribretur, deinde in vase probe obturato servetur.

Sit pulvis albus; in Aqva satis facile solvatur; ceterum  
sese habeat ut Phosphas natricus.

*Nota.* Dispensetur, si medicus Phosphatem natricum pulve-  
ratum postulaverit.

## Phosphorus.

(D. 50. Sv. 45. N. 54).

### *Phosphor.*

Substantia coloris expers vel subflavida, pellucida, ple-  
rumque in bacilla formata, Cerae instar nitens, aëri exposita  
fumum odore alliaceo spargens, in tenebris lucens; facile ac-  
cenditur; in temperatura  $+ 44^{\circ}$  sub Aqva in liqvoem lim-  
pidum et oleosum liqvescit, in Aqva non dissolvitur, in Spiritu  
et Aethere parva ex parte solvi potest, paullo magis in Oleis  
et Aetheroleis, maxima ex parte in Sulphido carbonico; vesti-  
gia Sulphuris et Arsenici inesse licet.

Sub Aqva loco a gelu tuto caute servetur in vase vitreo,  
capsula e laminis ferreis parata arenaeqve plena incluso.

## Pilulae Jodeti ferrosi.

### *Jodjern-Piller.*

℞. Ferri pulverati partes decem;..... 10  
perfundantur

Aqvae destillatae partibus sedecim,.....	16
addantur sensim	
Jodi partes viginti qvinque,.....	25
tum liqvor agitetur, si opus est super ignem lenem, donec mixtura e fusco rubra colorem subviridem induerit. Jam continuo addantur	
Mellis albi partes viginti quattuor,.....	24
et massa paretur, additis	
Radice Althaeae pulveratae partibus octo,.....	8
Radice Glycyrrhizae echinatae pulveratae partibus quadraginta.....	40.

E viginti grammatibus hujus massae centum pilulae formentur, quarum quaeque circiter quina centigrammata Jodeti ferrosi contineat.

Parentur ex tempore.

*Nota.* Si Pilulae Jodeti ferrosi Blancardi vel Pilulae Blancardi, vocabulo „verae“ non addito, postulatae erunt, pilulae in Ferro pulverato pervolvantur et loco non nimis calido probe siccatae vernice obducantur, paratae

Balsami Tolutani parte una,.....	1
in Aetheris partibus duabus.....	2
soluta; tum iterum siccentur. Pilularum vernice obductarum copiam loco frigido et umbroso servare licet.	

## Pix Pini.

*Pix navalis s. solida s. nigra D. 50.*

(*Pix solida s. sicca Sv. 45. Pix Ligni Pinorum solida N. 54.*)

### Sort Beg.

Massa resinosa, nigra, opaca, in frigore fragilis, in calore lenta, in Spiritu solubilis, odore Pyrolei Pini simili.

## Pulpa Tamarindi.

*Pulpa Tamarindorum D. 50.*

(*Pulpa Tamarindorum depurata Sv. 45. Pulpa Fructuum Tamarindi N. 54*).

### *Tamarinde-Mos.*

℞. Fructus Tamarindi crudi ..... q. v.  
affundatur pondus dimidium

Aqvae communis bullientis,

et inter agitationem saepe repetitam digestio fiat, donec Fructus probe et aeqvabiliter emollitus sit. Tum massa per cribrum setaceum spathulae lignae ope transmittatur et, leni calore adhibito, inter agitationem assiduam ad consistentiam syrapi spissi evaporetur.

Hujus Syrapi partibus tribus ..... 3  
addatur

Sacchari albi pulverati pars una, ..... 1  
quo facto, evaporatio eodem modo quo antea continuetur, donec massa consistentiae lentae et pultaceae parata sit. Post refrigerationem in vase clauso loco frigido et sicco servetur.

Sit colore e nigro fusco, sapore grato, dulci et acido.  
Ferrum politum in massam immissum cupro ne inducatur.

## Pulvis Cinae ferratus.

*Pulvis vermifugus D. 50.*

(*N. 54*).

### *Ormepulver.*

℞. Sulphatis ferrosi pulverati partem unam, ..... 1

Florum Cinae pulveratorum partes sex ..... 6.

Misceantur.

## Pulvis dentifricius niger.

### *Sort Tandpulver.*

℞. Carbonis Ligni praeparati partes triginta quinque, .	35
Corticis Chinae Calisayae pulverati partes viginti, ..	20
Gummi-resinae Myrrhae pulveratae partes quindecim,	15
Carbonatis kalici depurati partem unam,.....	1
Aetherolei Bergamo, .....	2
Aetherolei Caryophylli, singulorum partes duas;....	2

miscuantur et serventur in vase probe clauso.

## Pulvis dentifricius ruber.

### *Rødt Tandpulver.*

℞. Bitartratis kalici depurati venalis pulverati partes	
quingentas,.....	500
Testarum Ostrearum praeparatarum partes qua-	
dringentas;.....	400

miscuantur et rubro colore inficiantur, additis

Carmini partibus octo, .....	8
------------------------------	---

solutis in parva copia Solutionis Ammoniaci, Aqva de-  
stillata dilutae.

Deinde addatur mixtura parata e

Sacchari albi pulverati partibus ducentis quinqva-	
ginta,.....	250
Aetherolei Menthae piperitae partibus octo, .....	8
Aetherolei Cassiae partibus sex, .....	6
Aetherolei Florum Aurantii partibus quinque .....	5.

Postremo admisceantur

Hydratocarbonatis magnesici pulverati partes quin-	
gentae.....	500

et per cribrum transmittantur.

In vase probe clauso servetur.

## Pulvis digestivus.

(N. 54).

### *Digestivpulver.*

℞. Bitartratis kalici partes quattuor,.....	4
Nitratis kalici pulverati partes duas, .....	2
Radicis Rhei pulveratae partem unam.....	1.

Misceantur.

## Pulvis effervescens.

*Pulvis aërophorus D. 50.*

(N. 54)

### *Brusepulver.*

- ℞. Acidi tartarici pulverati gramma unum et dimidium;  
dispensetur in charta alba.
- ℞. Bicarbonatis natrici pulverati grammata duo;  
dispensentur in charta caerulea.

## Pulvis effervescens compositus.

*Pulvis aërophorus laxans D. 50.*

### *Seidlizer-Pulver.*

- ℞. Acidi tartarici pulverati gramma unum et dimidium;  
dispensetur in charta alba.
- ℞. Tartratis natrico-kalici pulverati grammata octo,  
Bicarbonatis natrici pulverati grammata duo;  
mixta dispensentur in charta caerulea.

## Pulvis Jalapae compositus.

*Pulvis laxans D. 50.*

### *Laxerpulver.*

- ℞. Tuberis Jalapae pulverati partes duas, . . . . . 2  
 Sulphatis kalici pulverati partem unam . . . . . 1.  
 Misceantur.
- 

## Pulvis Ipecacuanhae thebaicus.

*Pulvis Ipecacuanhae compositus, Pulvis Doveri D. 50.*

(*Pulvis Ipecacuanhae thebaicus Sv. 45. Pulvis Cephaelidis opiatius N. 54*).

### *Dovers Pulver.*

- ℞. Radicis Ipecacuanhae pulveratae, . . . . . 1  
 Opii pulverati, singulorum partem unam, . . . . . 1  
 Sulphatis kalici pulverati partes octo . . . . . 8.  
 Misceantur.
- 

## Pulvis Magnesiaae cum Rheo.

*Pulvis Magnesiaae compositus, Pulvis infantum cum Rheo D. 50.*

(*Pulvis Rhei cum Magnesia Sv. 45. Pulvis Magnesiaae compositus N. 54*).

### *Bornepulver.*

- ℞. Sacchari albi pulverati partes centum; . . . . . 100  
 conterantur cum  
 Aetherolei Foeniculi parte una . . . . . 1  
 et misceantur  
 Radicis Rhei pulveratae, . . . . . 100  
 Hydratocarbonatis magnesici pulverati, singulorum  
 partibus centum. . . . . 100.  
 In vase probe clauso servetur.
-



## Pulvis pro Pasta viennensi.

### *Pulver til Ætspasta.*

- R̄. Hydratis kalici partes quinque; ..... 5  
 conterantur in mortario ferreo calido in pulverem subtilem  
 eum  
 Oxydi calcici partibus sex ..... 6  
 et dispensentur in vase vitreo probe clauso.  
 Paretur ex tempore.

## Pulvis pro vaporibus Chlorig.

*Pulvis ad fumigationes muriaticas, Suffitus Chlorig D. 50.*  
*(Pulvis ad fumigationes Chlorig N. 54).*

### *Mineralsk Rogelse.*

- R̄. Superoxydi manganici pulverati partes tres, ..... 3  
 Chloretri natrici sicci partes quattuor; ..... 4  
 misceantur et loco prorsus sicco serventur.  
 Cum hoc pulvere separatim dispensetur mixtura, ex  
 Acidi sulphurici crudi partibus septem ..... 7  
 et Aqvae communis partibus quattuor ..... 4  
 parata.

## Pulvis refrigerans.

*(N. 54).*

### *Kolende Pulver.*

- R̄. Elaeosacchari Cedro, ..... 1  
 Nitratis kalici pulverati, singulorum partem unam, .. 1  
 Bitartratis kalici partes sex ..... 6  
 Misceantur.

## Pyroleum animale.

*Oleum animale aethereum, Oleum animale Dippelii D. 50.*

(*Oleum Cornus Cervi empyreumaticum rectificatum Sv. 45. Oleum animale rectificatum N. 54*).

### *Dippels-Olie.*

Pyroleum animale crudum e retorta vitrea cum tubo refrigeratorio conjuncta et in balneo arenae collocata, leni calore adhibito, destilletur, quamdiu destillatum tenue est. Destillatum cum copia Aqvae communis quadruplici conqvassetur eodemque modo destilletur, quamdiu destillatum coloris expers est. Tum, Aqva, quae simul transierit, separata, liquor paratus qvassetur et infundatur in lagunculas, quae repletae et epistomiis vitreis diligentissime clausae loco obscuro serventur.

Sit limpidum, coloris expers vel subflavum, odore acerrimo et aromatico; in Spiritu solutum reactionem alkalinam exhibeat in charta exploratoria Spiritu madefacta.

## Pyroleum animale crudum.

*Oleum Cornus Cervi foetidum D. 50.*

(*Oleum animale crudum N. 54*).

### *Stinkende Hjortetakolie.*

Liquor Pyrolei Pini similis, obscure fuscus, paene niger, Aqva levior, reactione alkalina, in Aqva parva ex parte solubilis, in Spiritus partibus tribus prorsus solubilis, odore et sapore foetido et nauseoso, Pyroleum tenue et pallidum destillatione praebens. Rejiciendus est, si parte Pyrolei magis volatilis destillatione est privatus.

## Pyroleum Juniperi.

*Oleum Juniperi empyreumaticum D. 50. Editionis 57.*

### *Branket Enebaerolie.*

Juniperus Oxycedrus.

Liqvor Pyrolei Pini similis, spissiusculus, obscure fuscus, odore subempyreumatico.

## Pyroleum Lithanthracis.

*Stenkultjære.*

Liqvor spissus, fuscus vel e fusco niger, odore penetranti et empyreumatico.

## Pyroleum Petrae.

*Oleum Petrae, Petroleum D. 50.*

(*Petroleum v. Oleum Petrae Sv. 45. Petroleum album N. 54.*)

*Stenolie.*

Liqvor subflavus vel e subflavo ruber, limpidus, mobilissimus, iridescens, odore et sapore foetido et bituminoso, reactione acida. Calore prorsus avolat, facile accenditur, flammaque lucida ardet; ponderis specifici est = 0,80—0,85; in Aethere, Oleis, Alcohole facile solvitur, difficiliter in Spiritu.

## Pyroleum Pini.

(*Pix liquida Sv. 45. Pix Ligni Pinorum liquida N. 54.*)

*Tjære.*

Liqvor spissus, oleosus, obscure fuscus, subpellucidus, Aqva gravior, odore peculiari et empyreumatico, Aqvae odorem, saporem reactionemque acidam impertiens.

## Pyroleum Succini.

*Oleum Succini rectificatum D. 50.*

(*Sv. 45. N. 54.*)

*Rektificeret Ravolie.*

Paretur e Pyroleo Succini crudi eodem modo, quo Aetheroleum Terebinthinae, et servetur loco frigido et obscuro in lagena probe clausa.

Sit primum tenue et coloris paene expers, postea spissiusculum et colore obscuriore. In Spiritus partibus quindecim solvatur; sit reactione nulla vel subacida.

## Pyroleum Succini crudum.

*Oleum Succini crudum D. 50.*

(*Oleum empyreumaticum Succini Sv. 45*).

### *Raa Ravolie.*

Liquor obscure fuscus, spissiusculus, odore peculiari, ingrato, empyreumatico. Reactionem subacidam exhibet, in Spiritu plane solvitur.

## Radix Alkannae.

*Radix Alkannae D. 50.*

(*Alkannae Radix Sv. 45. Radix Alkannae tinctoriae N. 54*).

### *Alkannerod.*

Alkanna tinctoria Tausch.

Radix subcylindrica, multiceps, cortice molli, fragili, in lamellas facile discedenti, laxo, colore ex atro purpureo, a ligno duro colorisque paene experti facile separabili. Pigmentum in Oleis facile solvitur, in Aetheroleis ex parte solvitur. Ne adhibeatur Radix decorticata.

## Radix Althaeae.

*Radix Althaeae D. 50.*

(*Althaeae Radix Sv. 45. Radix Althaeae officinalis N. 54*).

### *Althaearod.*

Althaea officinalis L.

Radices secundariae simplices, longae, crassitudine digitali vel tenuiores, cortice exteriore deglupto albae vel subalbae, extrinsecus non raro in longitudinem sulcatae, cicatricibus fuscis,